

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br. 65-04-2-4654) na prijedlog Komisije za javne nabavke Izvještaj br. _____ od _____ 2024. godine, v.d. Generalna direktorica donosi:

ODLUKU

o poništenju postupka javne nabavke usluga revizije godišnjih finansijskih izvještaja KCUS-a za 2024. godinu

I

U skladu sa čl. 69. Stav (2) tačka (d) Zakona o javnim nabavkama BiH, poništava se postupak nabavke usluga revizije godišnjih finansijskih izvještaja KCUS-a za 2024. godinu.

II

Ova Odluka stupa na snagu danom donošenja i objaviće se na web stranici KCUS-a nakon što bude dostavljena ponuđačima učesnicima u postupku javne nabavke.

OBRAZLOŽENJE

Klinički centar Univerziteta u Sarajevu je na portalu Agencije za javne nabavke objavio konkurentski zahtjev br. 893-7-2-271-3-558/24 od 11.07.2024. godine za dostavu ponuda za izbor najpovoljnijeg ponuđača usluga revizije godišnjih finansijskih izvještaja KCUS-a za 2024. godinu (Ispravke obavještenja o nabavci 893-7-2-271-8-580/24 od 18.07.2024. godine, 893-7-2-271-8-597/24 od 30.07.2024. godine, 893-7-2-271-8-635/24 od 15.08.2024. godine i 893-7-2-271-8-743/24 od 08.10.2024. godine)

Na protokol Kliničkog centra Univerziteta u Sarajevu u datom vremenskom roku dostavljene su 4 (četiri) ponude navedene u Zapisniku o otvaranju ponuda br. 73-33-4-36338-1 od 15.10.2024. godine koji je u zakonskom roku dostavljen svim ponuđačima. Komisija za javne nabavke je konstatovala da su ponude pristigle blagovremeno te da su uredno upakovane i ovjerene od strane ponuđača.

ANALIZA PONUDA

Ugovorni organ je u pozivu za dostavljanje ponuda objavio i u tenderskoj dokumentaciji naveo zahtjeve koje treba da ispune ponuđači da bi stekli uslove za dalju kvalifikaciju u javnom nadmetanju. **Komisija je konstatovala da je ponuđač Grant Thornton dostavio dvije ponude u ovom postupku javne nabavke.** Naime, navedeni ponuđač je dostavio svoju prvu ponudu 27.08.2024. godine u 08:03, protokolisana pod brojem 10-11-3-30423 (73-33-4-36338 broj zapisnika o zaprimanju ponuda), a potom i drugu ponudu 14.10.2024. godine u 08:21, protokolisana pod brojem 10-11-3-36168 (73-33-4-36338 broj zapisnika o zaprimanju ponuda). Članom 57. Stav (2) Zakona o javnim nabavkama propisano je „**Ponuđač može prije isteka roka za dostavljanje ponuda svoju ponudu izmijeniti, dopuniti je ili od nje odustati.**“ Ukoliko zbog izmjene ili dopune dođe do promjene ukupne cijene ponude, nova cijena se mora obavezno navesti. Izmjena ili dopuna ponude se dostavlja na isti način kao i ponuda i to u roku koji je naznačen u obavještenju o nabavci i tenderskoj dokumentaciji. **U slučaju povlačenja ponude, prije isteka roka za dostavljanje ponuda, ponuđač može pismeno zahtijevati povrat svoje neotvorene ponude.**“ Također, stavom 3. istog člana Zakona, regulisano je da „**Svaki ponuđač može podnijeti samo jednu ponudu.**“



Imajući u vidu gore citirane zakonske odredbe, a posebno cijeneći činjenično stanje da pomenuti ponuđač je dostavio dvije ponude u ovom postupku javne nabavke, što implicira da prvobitnu ponudu nije pisanim putem povukao, niti je dostavio izmjenu/dopunu ponudu, već ponovno kompletnu ponudu, prekršena je gore citirana Zakonska odredba, koja imperativno propisuje da se može podnijeti samo jedna ponuda. Iz dostavljenih ponuda se nigdje ne može zaključiti da je dostavljena izmjena/dopuna ponude, što ukazuje da su dostavljene dvije ponude od ponuđača Grant Thornton u ovom postupku javne nabavke. Također, Komisija za javne nabavke je ustanovila da ponude ponuđača Grant Thornton koje su dostavljene se razlikuju u svom sadržaju i sastavu. Zbog svega navedenog, a posebno cijeneći gore citirane Zakonske odredbe, podnesene ponude od strane ponuđača Grant Thornton se ne mogu ocijeniti kao prihvatljive. Iz cjelokupne korespodencije je vidljivo da isti nikada nije svoju prvobitnu ponudu povukao, niti izmijenio, a postupak javne nabavke koji je prvobitno objavljen 11.07.2024. godine nikada još nije okončan, već je isti bio obustavljan, ali ne i poništen.

Alfa Revizija

Za Komisiju ponuda ponuđača Alfa Revizija nije prihvatljiva, obzirom da se isti nije pridržavao uslova iz tenderske dokumentacije. Naime, tenderskom dokumentacijom, tačnije u okviru ostalih uslova za kvalifikaciju, propisanih članom 2.2.2. tenderske dokumentacije, pod stavom (b) zahtjevano je da „Ponuđač mora da ima angažovano lice koje posjeduje licence: CISA, CISM i ISO LEAD/EXTERNAL AUDITOR 27001:2013 ili ekvivalente.“ Navedeni ponuđač nije dostavio traženi dokaz, odnosno nije dokazao da ima angažovano lice koje posjeduje navedene licence, te se ponuda ovog ponuđača ima odbaciti shodno članu 68. Stav (4), tačka i., Zakona o javnim nabavkama, koji kao razlog za odbacivanje ponude navodi da „ponuda nije potpuna i ne ispunjava zahtjeve iz tenderske dokumentacije“. Nadalje, istoimeni ponuđač je u sastavu svoje ponude dostavio potvrdu o uspješnoj realizaciji usluga revizije čiji karakter i kompleksnost je sličan predmetu nabavke, ali ne ispunjava traženi uslov jer navedeni prosječan broj zaposlenih nije veći od 2.500 kako je zahtjevano tenderskom dokumentacijom. Zbog svega navedenog, ponuda ovog ponuđača se odbacuje kao neprihvatljiva.

Orecons&audit

Za Komisiju ponuda ponuđača Orecons&audit nije prihvatljiva, obzirom da se isti nije pridržavao uslova iz tenderske dokumentacije. Naime, tenderskom dokumentacijom, tačnije u okviru ostalih uslova za kvalifikaciju, propisanih članom 2.2.2. tenderske dokumentacije, pod stavom (b) zahtjevano je da „Ponuđač mora da ima angažovano lice koje posjeduje licence: CISA, CISM i ISO LEAD/EXTERNAL AUDITOR 27001:2013 ili ekvivalente.“ Navedeni ponuđač nije dostavio traženi dokaz, odnosno nije dokazao da ima angažovano lice koje posjeduje navedene licence, te se ponuda ovog ponuđača ima odbaciti shodno članu 68. Stav (4), tačka i., Zakona o javnim nabavkama, koji kao razlog za odbacivanje ponude navodi da „ponuda nije potpuna i ne ispunjava zahtjeve iz tenderske dokumentacije“. Nadalje, istoimeni ponuđač je u sastavu svoje ponude dostavio potvrdu o uspješnoj realizaciji usluga revizije čiji karakter i kompleksnost je sličan predmetu nabavke, ali ne ispunjava traženi uslov jer navedeni prosječan broj zaposlenih nije veći od 2.500 kako je zahtjevano tenderskom dokumentacijom, niti ispunjava uslove po zahtjevanoj visini prihoda i vrijednosti aktive. Tenderskom dokumentacijom je zahtjevan ukupan prihod veći od 250.000.000,00 KM (dostavljeno za 145.556.184,00 KM), te je zahtjevana vrijednost ukupne aktive veće od 350.000.000,00 KM (dostavljeno na vrijednost 77.269.344,00 KM). Cijeneći prethodno navedeno, podaci o ostvarenoj vrijednosti ukupne aktive kao niti podaci o ukupnim prihodima nisu u skladu sa traženim uslovima tenderske dokumentacije (tačka 2.2.2. stav f1). Pored toga, ponuđač nije u Izjavama iz članova 45. i 52. Zakona o javnim nabavkama upisao brojeve Obavještenja o nabavci. Zbog svega navedenog, ponuda ovog ponuđača se odbacuje kao neprihvatljiva, jer se isti nije pridržavao uslova iz tenderske dokumentacije.

Obzirom da se radi o konkurentskom zahtjevu, te da je kriterij za dodjelu okvirnog sporazuma „ekonomski najpovoljnija ponuda“, Komisija prema Izvještaju br. _____ od _____ 2024. godine, predlaže da se postupak nabavke usluga revizije godišnjih finansijskih izvještaja KCUS-a za 2024. godinu, poništi u skladu sa čl. 69. Stav (2) tačka (d) Zakona o javnim nabavkama BiH:

Smatram da je Komisija pravilno postupila kada je uzela u obzir gore navedene činjenice i iz tih razloga prihvatam prijedlog Komisije i donosim odluku kao u dispozitivu.



d. GENERALNA DIREKTORICA

Prof.dr. Hajrija Maksić

PRAVNA POUKA:

Protiv ove Odluke može se uložiti Žalba putem ugovornog organa odnosno KCUS-u u pisanoj formi, u roku od 5 (pet) dana od dana kada je podnosilac saznao ili je trebao saznati za navodnu povredu Zakona o javnim nabavkama BIH u toku konkretnog postupka.

KLINIČKI CENTAR UNIVERZITETA U SARAJEVU broj: 4		
PRIMLJENO: 28-10-2024		
Organizaciona jedinica	Klasifikaciona oznaka	Redni broj
23	11-2	38113-1

Dostaviti:

- Služba za javne nabavke;
- Ponuđačima;
- a/a